



2013-2014

Lecture de documents anciens


Archives départementales de la Côte-d'Or
www.archives.cotedor.fr

Confirmé

Document étudié n°17

1339. — Fonds de Vogüé, chartrier de Thoisy-la-Berchère.

Bail à cens fait par Jacques, prieur de Saint-Jean de Semur-en-Auxois, à Peronnelle, femme de P. Beauvallet, de Chevigny, pour des biens sis à Chevigny (commune de Millery).



- 1 En non de Notre Soignor, amen. En l'an de l'incarnation d'ycelui mil trois cenz et quarente, lou lundi devant la feste de la resurrection de
- 2 Notre Soignor, saichent tuit que je, Perrenelle, femme Perrin lou Beauvallet de Chevigny, auctorizée en ceu de mondit mari et feme ta-
- 3 illauble, exploitable et justisable de religious home frere Jaque, priour dou prioré de Saint Johan de Semur, en non de luy et de
- 4 sondit prioré, cognois et confesse que je, por moy et pour mes hors loyauls nez de mon propre corps, retien por non et pour titre de
- 5 loyer perpetuel doudit prior, en non de luy, de sondit prioré et de ses successors : premierement les maisons, curtilz et appartenences qui jadis
- 6 furent Mathier Barreaul, home doudit prior et prioré, seanz a Chevigny, delez lou curtil a la file Jehannot Berthier doudit leu, et delez la mai-
- 7 son et curtil Chauteraul. Item hun prey seant delez lou curtil Tarnoysot et delez lou curtil Adeline, file au Beauvallet. Item une piece



2013-2014

Confirmé

Document étudié n°17

Lecture de documents anciens

8 de terre seant ou finage de Chevigney en Broce Bernart, delez lou champ
9 Jehan Pouloig et delez lou champ Jehan Jobot. Item une piece de terre
10 seant oudit finaige en champ Melot, delez la terre Agnes, feme Jehan, maistre
11 Pierre de Semur, et delez la terre es enfanz au Golu. Item une autre
12 piece de terre seant oudit leu, delez la terre des dessusdz. Item une autre
13 piece de terre seant oudit leu, delez la terre au Paige et delez la terre
14 es enfanz Torteaul. Item doues pieces de terre seanz en Craye, li une delez la
15 terre es hors au Golu et delez la terre li autre piece Tarnoysot, les
16 quels chouses auximant¹ furent toutes audit Mathier, et sunt escheoites et
17 advenues audit priour pour cause de mainmorte. Et ceste
18 retenue je fais pour la some de quarente livres tornois d'antrée, et pour
19 quarente soulz tornois de loyer annel, lesquels nous, Porrins li Beauls
20 Vallez et Perrenelle sa feme ou li hor loyaul de moy Perrenelle, nez de mon
21 corps et engendrez de mon mari, paieruns, sumes tenu et prome-
22 tons rendre et paier audit monsoignor lou prior ou a son certain
23 commendement chascun an a la saint Remy, et avec ceu nous paieruns
24 et sumes tenu paier audit priour les debites et toutes redivances que
25 doivent et puent devor annuelment li heritaige dessusdit, surs
26 poinne de paier touz domaiges et interest audit prior ou a ses successors
27 qu'il dirunt aux havor encoruz, pour simple paroule, por deffaut
28 de la paie, et pour covenance, je, Perrenelle ne midit hoir, lesdiz heritaiges
29 ou aucunls d'aux ne puis vendre, doner, eschangier, aliener ne
30 mettre fuers de noz mains, se ceu n'est es propres homes doudit prior et de
31 sondit prioré, et dou consentement doudit prior et de ses successors.
32 Et se il advenoit, que jay ne soit, que je, Perrenelle, mure senz hor loaul de
33 mon corps, je cognois que lidit heritaige doivent revenir audit
34 prior et a son prioré, ou es successors doudit prior, nonobstant longue
35 saisine ou aucune prescription de temps. Tutevoyes pour cause desdiz
36 heritaiges
37 lidiz priours ne sui successor ne noz puent demander autre taille que los diz
38 quarente soulz, mas nous marié voluns que de noz autres heritaiges
39 que nous tenons, sa taille li soit sauve, promectenz pour noz sairemenz
40 donez surs sains evangiles et surs l'obligation de nous, de nos hors
41 et de noz biens presenz et a advenir, toutes ces chouses devant dictes faire,
42 acomplir, tenir et garder fermement, toutes exceptions arriers mises,
43 et en ces chouses faire, je Perrins a madicte feme ha doné m'auctorité. Ou
44 tesmoin de laquel chouse nous havons requis lou seaul de la court monseigneur
45 lou duc de Borgogne estre mis en ces lettres, a la juridiction de laquel court
46 noz supmectons nous et nos hors. C'est fait en la presence Guillaume, tabellion
47 et coadjuteur
48 Guiot, tabellion de Semur, Perrin Chevillart, Guiot Bauduyn et Monsieurr
49 Pierre Bridon, prevout, tesmoins a ceu appalez en l'an et jour dessus diz.

Archives départementales de la Côte-d'Or
www.archives.cotedor.fr